

魄出幽冥

密州官員市戶舉請修完佑德觀

佑德興隆總不難預觀和氣已回環始終如一功圓就有分仙
階列上班

勸化大眾興修

併力齊心勿訴難興修福地會仙壇爭功奪行遷雲職觸目無
私暗結丹

贈密州李都目

都目先生厭世塵丹誠佑德結良因其間供養蒙周備福慶從
來賜吉人

道藏輯要

雲光集

五

胃集九
川人

嘆人未悟

十類羣生苦海中痛嗟誰肯立仙功指迷幸有全真理隨處修
完道合同

諸生醮罷示眾

無相無爲一點眞普同供養大羅尊萬靈慶悅承超度出離陰
囚五苦門

示門人

透體光輝照室明一輪圓相沒虧盈方知便是眞元祖永脫沈
淪應化生

密州崔道常猛烈出家贈之

捨俗投玄悟道常迴心保護內容光鍊開萬古眞靈性不謝仙
花處處香

答人問三寶

古之三寶氣精神都會元田別有因光滿十方丹就也大羅天
上列仙眞

大眾求教 四首

道本無名絕外求靈臺丹谷細精搜五情六欲都消散萬道光
明顛倒流

大悟賢明事事除脫離塵網達元初三田靈寶光圓聚一派清
歌聒太虛

道藏輯要

雲光集

卷

胃集九
川子三

物情堆裏絕沈埋正覺心珠漸漸開照見本源清淨體悟眞達
本應仙材

全體光明合大丹沖和返老變童顏逍遙自在眞歡樂便覺昇
騰碧落間

趙德靜索

德靜心清樂出家頓更凡骨養丹砂玉堂結聚眞二寶產箇靈
童天外誇

贈楊殿試 二首

千古雲收朗太空先天眞瑞信忽忽內靈光散丹無漏一指清
虛大道通